

কারিগরি শিক্ষা

এবং

চাকুরীর বয়সসীমা

আমরা পলিটেকনিক ইন্সটিটিউটের ছাত্র। ১৯৮২ সালে এস,এস,সি এবং ১৯৮৪ সালে এইচ,এস,সি পাস করিয়াছি। এইচ,এস,সি অধ্যয়নরত অবস্থায় সাধারণ শিক্ষার চাকুরীর অভাব বিবেচনা করিয়া কারিগরি শিক্ষায় শিক্ষিত হইয়া চাকুরী লাভের প্রত্যাশায় ১৯৮০ সনে উক্ত প্রতিষ্ঠানে প্রতিযোগিতার মাধ্যমে ভর্তি হই। আমাদের জানা মতে অধিকাংশ ছাত্র-ছাত্রীই বাংলাদেশের ১৮টি পলিটেকনিকে এইচ,এস,সি পাস, এমনকি ডিগ্রী পাস করিয়াও ভর্তি হয় যদিও ভর্তির নিয়ন্ত্রণিতে নিম্নতম যোগ্যতা এসএসসি উল্লেখ থাকে। ছাত্র-ছাত্রীদের মাকে জরিপ করিয়া দেখা গিয়াছে, ইহার মূল কারণ বেকারত্বের অভিশাপ হইতে মুক্তির প্রত্যাশা। কিন্তু ইহাতে কি বেকারত্ব পূর হইতেছে? না অভিব্যক্তির অর্থ অপচয় করিয়া শেষে বেকারই থাকিতে হইতেছে? তিন বৎসর মেয়াদী ডিপ্লোমা-ইন-ইঞ্জিনিয়ারিং কোর্স সম্পন্ন করিতে সময় লাগে ৫ হইতে ৬ বৎসর। কোন কোন সময় উহারও অধিক। এদিকে বাংলাদেশ সরকারী চাকুরীর বয়সসীমা ২৭ বৎসর। আর পাস করিয়া বাহির হওয়ার সময় আমাদের বয়স হইবে $(১৬+২+৬)=২৪$ বৎসর। এমনকি তারও বেশী। আর বাকী তিন বৎসর অফিসে অফিসে খর্চা দিয়া সরকারী চাকুরীর আশা ত্যাগ করিতে হইবে, যা আমাদের পূর্বসূরীরা করিয়া আসিতেছেন।

আমরা যারা ১৯৮০ সনের নভেম্বর মাসে ভর্তি হইয়াছি তাদের কোর্স প্রকৃত হিসাব

অনুযায়ী ১৯৮৬ সনের নভেম্বর মাসে শেষ হওয়ার কথা। কিন্তু দেখা হইতেছে, ১৯৮৬ সনের নভেম্বর মাস প্রায় সমাগত আর আমাদের কোর্সের ৬টি পর্বের মাত্র ২টি সমাপ্ত হইয়াছে। আরেকটি সমাপ্তির পথে। যে কোর্স দেড় বৎসরে শেষ হওয়ার কথা তার জন্ম যদি তিন বৎসর লাগিয়া যায় তবে বাকী দেড় বৎসর অর্থাৎ সম্পূর্ণ কোর্স শেষ হইতে কত বছর লাগিবে? কত পক্ষের ইহার জবাব জানা আছে কি? যদি কারিগরি শিক্ষা বোর্ড বাংলাদেশের ৬টি বোর্ডের অগ্রতম হইয়া থাকে তবে কেন এ বোর্ডের উপর তন কর্মকর্তারা অগ্রাশু শিক্ষা বোর্ডের মত এক সিদ্ধান্ত নিতে পারেন না? কেন বার বার পরীক্ষার তারিখ দিয়া তা বাতিল করা হয়?

—মজিব, করিম, আমজাদ, ২য় বর্ষ, ১ম পর্ব, সিভিল গ্রুপ-গ, ঢাকা পলিটেকনিক ইন্সটিটিউট, তেজগাঁও শিল্প এলাকা, ঢাকা।